

休燒鍊莫修持元來只是這些兒哩囉唌哩囉唌  
搗練子害風哥一身躍出死生波哩囉唌哩囉唌  
便是逍遙真自在没人拘管信吟哦哩囉唌哩囉唌  
用刀圭剖昏迷合和一處怎生攜哩囉唌哩囉唌  
人頭落現虹霓白蓮花朵出青泥哩囉唌哩囉唌  
名利海是非河王風出了上高坡哩囉唌哩囉唌  
纔候十年功行滿白雲深處笑呵呵哩囉唌哩囉唌  
三丹寶難分割昏昏默默怎生保哩囉唌哩囉唌  
在虛空長懷抱緋衫裏子新烏帽哩囉唌哩囉唌

踏莎行

道藏輯要

重陽全真集

元

中胃集一

莫騁兒羣休誇女隊與公便是爲身害脂膏刮削苦他人只還  
兒女從前債 悅目亭堂哀心念愛直饒鐵打堅牢賺多多罪  
業自家就一朝合眼如何戴

又別家眷

妻女休嗟兒孫莫怨我咱別有雲朋願脫離枷鎖自心知清涼  
境界唯余見 步步雲深灣灣水淺香風隨處噴頭面崑崙山  
上樂逍遙煙霞洞裏成修鍊

又自詠

人被錢迷錢由人使一來一去何時已頑銅尙自有消磨凡軀  
著甚逃生死 聞早回頭疾搜妙旨細推休道無師指腹中兩

路顯然開心頭一點分明是

汞裏泉清鉛中火赫倒顛澆漑傳甘澤虎聲震動甲方青龍吟  
喚出庚方白 認正田原分明阡陌金桃親種親收摘玉童掌  
內任擎來瓊筵會上堪分擘

大道無名害風有作踏莎行裏成歡樂因緣腳腳修鍊成蓮花  
步步相隨著 透出清泉上衝碧落成雲結蓋須磅礴外馨接  
引好輝光內明照耀真丹藥

不識慚惶要人津送情生念起般般動心神指引乞爲緣三餐  
飽後休胡用 豈許醫看莫交人重行符呪水良因種哩唛哩  
囉囉哩唛長隨走蓬萊玉洞

道藏輯要

重陽全真集

五

中胃集一

又奉酬人惠

羶襪余留木盃分納微誠用表相酬答百般茶飯任經營千般  
滋味堪鳴啞 恬淡真人朴純菩薩都緣此物成超達好將鉛  
汞裏頭收須教盈滿休拋撒

又贈友生

前歲麻收去年麥覓一麻一麥傳消息左邊金餅一陽生右傍  
銀器純陰匿 偏黨無私倒顛有則心燈朗徹緣挑剔終南街  
裏不遊行京東路上知端的

又詠燒香

身是前爐心同香子香煙一性分明是依時焚爇透崑崙緣空



香裊呈祥瑞 上徹雲霄高分真異成雲作蓋包玄旨金花院裏得逍遙玉皇几畔常參侍

又 贈友人

一點靈明兩條坦路怎生下手如何做好教稽首上天堂莫令失腳遊陰府 日轉金烏月生玉兔森羅萬象同躔度勸君休要泥長生時時牢把金精固

又 崑崙山團庵

做就圈模且休蓋椽諸公怎曉余方便水符不向此中行因緣已到文登縣 各謹持修速歸煅鍊內容顯現親頭面如今欸欸漸投玄恁時得得頻相見

道藏輯要

重陽全真集

三

中胃集一

又 燒庵

數載辛勤謾居劉蔣庵中日日塵勞長豁然真火瞥然開便教燒了歸無上 奉勸諸公莫生悞快我咱別有深深況唯留煨土不重遊蓬萊雲路通來往

睡裏搜尋眠中做作目矇認正恒歡樂想成三寶自神靈結成九轉真丹藥 攢聚祥雲往來碧落後隨前引唯鸞鶴白光萬道遶園生紅光一點當中鑠

如夢令

如知九九妙中談明月分明照碧潭會得雙關真箇理前三三與後三三